

Band III., Nr. 598, Seite 57-60

Papst Honorius III. nimmt das Kloster Herrenalb mit genanntem Besitz in seinen Schutz und bewilligt demselben eine Reihe näher bezeichneter Begünstigungen.

Lateran, 1216. Oktober 11.

Honorius episcopus, servus servorum dei, dilectis filiis Sigero, abbati monasterii sancte Marie de Alba, eiusque fratribus, tam presentibus quam futuris regularem vitam professis, in perpetuum. Religiosam vitam eligentibus apostolicum convenit adesse presidium, ne forte cuiuslibet temeritatis incursus aut eos a proposito revocet aut robur, quod absit, sacre religionis infringat. Eapropter, dilecti in domino filii, vestris iustis postulationibus clementer annuimus, et prefatum monasterium sancte dei genitricis et virginis Marie de Alba, in quo divino mancipati estis obsequio, sub beati Petri et nostra protectione suscipimus et presentis scripti privilegio communimus. Inprimis siquidem statuentes, ut ordo monasticus, qui secundum deum et beati Benedicti regulam et institutionem Cisterciensium fratrum in eodem monasterio institutus esse dinoscitur, perpetuis ibidem temporibus inviolabiliter observetur. Preterea quascumque possessiones, quecumque bona idem monasterium impresentiarum iuste et canonice possidet, aut in futurum concessione pontificum, largitione regum vel principum, oblatione fidelium, seu aliis iustis modis prestante domino poterit adipisci, firma vobis vestrisque successoribus et illibata permaneant. In quibus hec propriis duximus exprimenda vocabulis: locum in quo prefatum monasterium situm est, cum omnibus pertinentiis suis, grangiam de Otterswilre, cum omnibus pertinentiis suis, grangiam de Rastede, grangiam de Winkil, grangiam de Odenheim et grangiam de Ouwe, cum omnibus pertinentiis earumdem, grangiam de Malsc¹, grangiam de Hart, grangiam de Lindenhart² et grangiam de Sciuenhart, cum omnibus pertinentiis earumdem, grangiam de Eichelbach³, grangiam de Buckensheim⁴,

¹Das WUB weist diesen Ort Malsch, HD zu. Näher an den anderen genannten Orten liegt allerdings Malsch, KA

²Zum Harthof und Lindenhart vgl. Mone, Zeitschrift für die Geschichte des Oberrheins 1 (1850) - 39 (1885), N.F. 1=40 (1886) - [...] 1 (1850), S. 117.

³Eichelbach, abgegangener Ort bei Muggensturm, RA. Der Hof des Klosters wurde 1298 nach Muggensturm verlegt. Vgl. Mone, Zeitschrift für die Geschichte des Oberrheins 1 (1850) - 39 (1885), N.F. 1=40 (1886) - [...] 1 (1850), S. 114 und 243 und 2 (1851), S. 465. Ein Zins- und Gültbuch über Muggensturm von 1511 nennt unter Äckern in der mittleren Zelg daselbst ein Jauchert „zu Eichelbach an der Kirchgassen“ und unter den Wiesen in der oberen Zelg „drei Mannsmad zu Eichelbach.“

⁴Abgegangener Ort, jetzt noch Wallfahrtskirche bei Durmersheim.

II

grangiam de Mosenbrunnen et grangiam de Dietenhusen⁵, cum omnibus pertinentiis earundem, grangiam de Bretheim, grangiam de Nuzboumin, grangiam de Terdingin et grangiam de Bernardiswilre, cum omnibus pertinentiis earundem, cum pratis, vineis, terris, nemoribus, usuagiis et pascuis, in bosco et plano, in aquis et molendinis, in viis et semitis, et omnibus aliis libertatibus et immunitatibus suis. Sane laborum vestrorum, quos propriis manibus aut sumptibus colitis, de possessionibus habitis ante concilium generale, sive de ortis et virgultis et piscationibus vestris vel de nutrimentis animalium vestrorum aut etiam de novalibus nullus a vobis decimas exigere vel extorquere presumat. Liceat quoque vobis clericos vel laicos liberos et absolutos e seculo fugientes ad conversionem recipere, et eos absque contradictione aliqua retinere. Prohibemus insuper, ut nulli fratrum vestrorum post factam in monasterio vestro professionem fas sit sine abbatis sui licentia de eodem loco discedere. Discedentem vero absque communium litterarum vestrarum cautione nullus audeat retinere. Quod si quis forte retinere presumpserit, licitum vobis sit, in ipsos monachos vel couversos regularem sententiam promulgare. Illud districtius inhiabentes, ne terras seu quodlibet beneficium ecclesie vestre collatum liceat alicui personaliter dari, sive alio modo alienari, absque consensu totius capituli vel maioris aut sanioris partis ipsius. Si que vero donationes vel alienationes aliter quam dictum est facte fuerint, eas irritas esse censemus. Ad hec etiam prohibemus, ne aliquis monachus sive conversus sub professione vestre domus astrictus sine consensu et licentia abbatis et maioris partis capituli vestri pro aliquo fideiubeat vel ab aliquo pecuniam mutuo accipiat ultra pretium capituli vestri providentia constitutum, nisi propter manifestam domus vestre utilitatem. Quod si facere forte presumpserit, non teneatur conventus pro hiis aliquatenus respondere. Licitum preterea sit vobis, in causis propriis sive civilem sive criminalem contineant questionem, fratrum vestrorum testimoniis uti, ne pro defectu testium ius vestrum in aliquo valeat deperire. Insuper auctoritate apostolica inhiabemus, ne ullus episcopus vel quelibet alia persona ad synodos vel conventus forenses vos ire vel iudicio seculari de vestra propria substantia vel possessionibus vestris subiacere compellat, nec ad domos vestras, causa ordines celebrandi, causas tractandi, vel aliquos conventus publicos convocandi venire presumat, nec regularem electionem abbatis vestri impediatur, aut de instituendo vel removendo eo qui pro tempore fuerit, contra statuta Cistertiensis ordinis se aliquatenus intromittat. Si vero episcopus, in cuius parrochia domus vestra fundata est, cum humilitate ac devotione qua convenit requisitus, substitutum abbatem benedicere et alia que ad officium episcopale pertinent vobis conferre renuerit,

⁵Es steht überbessert und auf einer Rasur „Dietenhusen“ mit müßigem Abkürzungsstrich über „husen“.

III

licitum sit eidem abbati, si tamen sacerdos fuerit, proprios novitios benedicere, et alia que ad officium suum pertinent exercere, et vobis, omnia ab alio episcopo percipere que a vestro fuerint indebite denegata. Illud adicientes, ut in recipiendis professionibus que a benedictis vel benedicendis abbatibus exhibentur, ea sint episcopi forma et expressione contenti que ab origine ordinis noscitur instituta, ut scilicet abbates ipsi salvo ordine suo profiteri debeant, et contra statuta ordinis sui nullam professionem facere compellantur. Pro consecrationibus vero altarium vel ecclesiarum sive pro oleo sancto vel quolibet ecclesiastico sacramento nullus a vobis sub obtentu consuetudinis vel alio modo quicquam audeat extorquere, sed hec omnia gratis vobis episcopus diocesanus impendat. Alioquin liceat vobis quemcumque malueritis catholicum adire antistitem, gratiam et communionem apostolice sedis habentem, qui nostra fretus auctoritate vobis quod postulatur impendat. Quod si sedes diocesani episcopi forte vacaverit, interim omnia ecclesiastica sacramenta a vicinis episcopis accipere libere et absque contradictione possitis, sic tamen ut ex hoc in posterum propriis episcopis nullum preiudicium generetur. Quia vero interdum priorum episcoporum copiam non habetis, si quem episcopum, Romane sedis, ut diximus, gratiam et communionem habentem, et de quo plenam notitiam habeatis, per vos transire contigerit, ab eo benedictiones vasorum et vestium, consecrationes altarium, ordinationes monachorum auctoritate apostolice sedis recipere valeatis. Porro si episcopi vel alii ecclesiarum rectores in monasterium vestrum vel personas in *h*ibi constitutas suspensionis, excommunicationis vel interdicti sententiam promulgaverint, sive etiam in mercenarios vestros, pro eo quod decimas, sicut dictum est, non persolvitis, sive aliqua occasione eorum que ab apostolica benignitate vobis indulta sunt, seu benefactores vestros, pro eo quod aliqua vobis beneficia vel obsequia ex caritate prestiterint, vel ad laborandum adiuverint in illis diebus, in quibus vos laboratis et alii feriantur, eandem sententiam pertulerint, ipsam tamquam contra sedis apostolice indulta prolatam duximus irritandam. Nec littere ille firmitatem habeant, quas tacito nomine Cistertiensis ordinis et contra tenorem apostolicorum privilegiorum const[itu]erit impetrari. Preterea cum commune interdictum terre fuerit, liceat vobis nichilominus in vestro monasterio, exclusis excommunicatis et interdictis, divina officia celebrare. Paci quoque et tranquillitati vestre paterna in posterum sollicitudine providere volentes, auctoritate apostolica prohibemus, ut infra clausuras locorum seu grangiarumstrarum nullus rapinam seu furtum facere, ignem apponere, sanguinem fundere, hominem temere capere vel interficere, seu violentiam audeat exercere. Preterea omnes libertates et immunitates a predecessoribus nostris, Romanis pontificibus, ordini vestro concessas, nec non libertates et exemptiones secularium exactionum a regibus et principibus vel aliis fidelibus rationabiliter vobis indultas auctoritate apostolica confirmamus et presentis

IV

scripti privilegio communimus. Decernimus ergo, ut nulli omnino hominum liceat prefatum monasterium temere perturbare, aut eius possessiones auferre, vel ablatas retinere, minuere, seu quibuslibet vexationibus fatigare, sed omnia integra conserventur, eorum pro quorum gubernatione ac sustentatione concessa sunt usibus omnimodis profutura, salva sedis apostolice auctoritate. Si qua igitur in futurum ecclesiastica secularisve persona hanc nostre constitutionis paginam sciens contra eam temere venire temptaverit, secundo tertiove commonita, nisi reatum suum congrua satisfactione correxerit, potestatis honorisque sui dignitate careat, reamque se divino iudicio existere de perpetrata iniquitate cognoscat, et a sacratissimo corpore ac sanguine dei et domini redemptoris nostri Ihesu Christi aliena fiat, atque in extremo examine districte ultioni subiaceat Cunctis autem eidem loco sua iura servantibus sit pax domini nostri Ihesu Christi, quatinus et hic fructum bone actionis percipiant, et apud districtum iudicem premia eterne pacis inveniant. Amen. Amen. Amen.

(*Rundz.*) Ego Honorius, catholice ecclesie episcopus, subscripsi. (*Monogr. für Benevalete.*)

+ Ego Nicholaus, Tusculanus episcopus, subscripsi.

+ Ego Guido, Prenestinus episcopus, subscripsi.

+ Ego Hugo, Ostiensis et Velletrensis episcopus, subscripsi.

+ Ego Cinthius, tituli sancti Laurentii in Lucina presbyter cardinalis, subscripsi.

+ Ego Gregorius, tituli sancte Anastasie presbyter cardinalis, subscripsi.

+ Ego Petrus, tituli sancti Laurentii in Damaso presbyter cardinalis, subscripsi.

+ Ego Guido, sancti Nicolai in carcere Tulliano diaconus cardinalis, subscripsi.

+ Ego Octavianus, sanctorum Sergii et Bachi diaconus cardinalis, subscripsi.

+ Ego Iohannes, sanctorum Cosme et Damiani diaconus cardinalis, subscripsi.

+ Ego Romanus, sancti Angeli diaconus cardinalis, subscripsi.

+ Ego Stephanus, sancti Adriani diaconus cardinalis, subscripsi.

Datum Laterani per manum Ranerii, prioris sancti Fridiani Lucensis, sancte Romane ecclesie vicecancellarii, V. idus Octobris, indictione V^a., incarnationis dominice anno M^o. CC^o. XVI^o., pontificatus vero domni Honorii pape III. anno primo.

Der Textabdruck folgt dem Original.

An rot-gelber Seidenschnur die Bleibulle mit den gewohnten Kopfbildern und mit HONORIVS. PP. III.

Anfang und Schluss der Bulle stimmen teilweise wörtlich mit der von Papst Alexander III. dem Kloster ausgestellten Urkunde Nr. 407 (WUB, Bd. III, S. 181–183) von 1177 Dez. 21 überein.

Überlieferung und Publikationen

Lagerort:

HStA Stuttgart

Signatur/Titel des Originals:

A 489 K U 1001

Überlieferung und Textkritik:

1999 abgegeben vom GLA Karlsruhe (E 18). Deutsche Übersetzung des 15. Jh.: HStA Stuttgart A 489 K U 10.

Regesten:

AUGUST POTTHAST (HRSG.): Regesta pontificum Romanorum inde ab anno post Christum natum MCXCVIII ad annum MCCCIV, 2 Bde., Berlin 1874-75, Bd. 1, S. 470, Nr. 5340. TILMANN SCHMIDT: Die Originale der Papsturkunden in Baden-Württemberg: 1198-1417, 2 Bde., Vatikan 1993 (Index actorum Romanorum pontificum ab Innocentio III ad Martinum V electum, 6,1-2), Bd. 1, S. 19 f., Nr. 33 (mit Zeugenliste).

Weitere Angaben

Überlieferungsart:

Ausfertigung

Sprache:

Lateinisch

Ausstellungsort:

Lateran

Aussteller:

Honorius III.; Papst

Ortsindex:

Au am Rhein Wohnplatz (5600)

Au am Rhein, RA

Bernhardsweiler Wüstung (25906)

Bernhardsweiler, Oberderdingen, KA, W

Bickesheimer Kloster Wohnplatz (5693)

VII

Bickesheimer Kloster, Durmersheim, RA
Bretten Wohnplatz (5295)
Bretten, KA
Dietenhausen Wohnplatz (7123)
Dietenhausen, Keltern, PF
Eichelbach Wüstung (25920)
Eichelbach, Muggensturm, RA, W
Gut Scheibenhardt : Beiertheim, Karlsruhe KA
Gut Scheibenhardt Wohnplatz (5240)
Harthof, Malsch, HD, W
Lindenhart Wüstung (22750)
Lindenhart, Malsch, KA, W
Malsch HD
Malsch Gemeinde (6396)
Malsch Wohnplatz (5383)
Malsch, KA
Moosbronn Wohnplatz (5733)
Moosbronn, Gaggenau, RA
Nußbaum Wohnplatz (7168)
Nußbaum, Neulingen, PF
Oberderdingen Wohnplatz (5416)
Oberderdingen, KA
Ostia, Latium, Italien
Ottersweier Wohnplatz (5798)
Ottersweier, RA
Rastatt Wohnplatz (5814)
Rastatt, RA
Rom, Latium, Italien
Toscolano, Lombardei, Italien
Unterderdingen Aufgegangen (22754)
Unterderdingen, aufgeg. in Oberderdingen KA

VIII

Velletri, Latium, Italien
Winkel Wohnplatz (5739)
Winkel, Gaggenau, RA
Ötigheim, RA